Dissertatio medica inauguralis, de abortu. Quam...: Eruditorum examini subjicit / Joannes Rogerus Murray, Britannus.

Contributors

Murray, John Roger. University of Edinburgh. Royal College of Surgeons of England

Publication/Creation

Edinburgi: Apud Balfour et Smellie, academiae typographos, 1787.

Persistent URL

https://wellcomecollection.org/works/ak3ewj8e

Provider

Royal College of Surgeons


License and attribution

This material has been provided by This material has been provided by The Royal College of Surgeons of England. The original may be consulted at The Royal College of Surgeons of England. where the originals may be consulted. This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection 183 Euston Road London NW1 2BE UK T +44 (0)20 7611 8722 E library@wellcomecollection.org https://wellcomecollection.org





DISSERTATIO MEDICA

DE

(11)

A B O R T U.

QUAM,

ANNUENTE SUMMO NUMINE,

Ex Auctoritate Reverendi admodum Viri,

D. GULIELMI ROBERTSON, S. S. T. P.

ACADEMIÆ EDINBURGENÆ Praefecti;

Amplissimi SENATUS ACADEMICI consensu,
Et nobilissimae FACULTATIS MEDICÆ decreto.

PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS
RITE ET LEGITIME CONSEQUENDIS;

Eruditorum examini fubjicit

JOANNES ROGERUS MURRAY,

BRITANNUS.

Ad diem 12. Septembris, hora locoque solitis.

E D I N B U R G I:

Apud BALFOUR et SMELLIE,

Academiae Typographos.

M,DCC,LXXXVII.

ADICEM OITATISE United to One

HENRICO

DUCI DE BUCCLEUGH,

COMITI DE DALKEITH,

DE DONCASTER,

&c. &c.

Antiqui ordinis St Andreae Equiti,

Artium liberalium patrono eximio,

Libertatis Britannicae propugnatori integerrimo,

Generisque humani vero amico,

Qui prosapiam antiquissimam et nobilissimam,

Morum nobilitate ornat,

Propter benevolentiam et urbanitatem,

In sese suosque constanter demonstratas,

Hanc dissertationem medicam inauguralem,

Summa observantia,

D. D. C. q,

JOANNES ROGERUS MURRAY.

ERRORES TYPOGRAPHICI.

Pag. 6. lin. 19. pro plenitudine lege plenitudini.

- 14. 9. pro aquae lege aqueae.
- 16. et 24. pro suspicaretur lege suspiceretur.
- 18. 2. pro perperit lege peperit.
- 23. 3. post circumdata pone plenum punctum; et in locum u substitue U.
- 24. 12. pro possunt lege possint.
- 28. 5. et 6. pro debile et irritabile lege debili et irritabili.
- Ibid. 8. pro consuetudine lege consuetudinis.
- Ibid. 10. pro accommodantut lege accommodan-
- 29. 14. pro ederit lege ederet.
- 30. 11. pro acgrotum lege aegrotam.

DISSERTATIO MEDICA.

INAUGURALIS,

DE

ABORTU.

SI, a quam levi momento vita mortalium, ab initiis ipsis ad senectutem decrepitam usque, pendeat, rite consideretur, affectibus animi tristissimis non affici non possumus; et, nisi natura partuum, quos edit, feracissima foret, genus humanum, opus suum longe pulcherrimum, brevi extinctum iri, non improbabile esse videtur. Hisce autem periculis, quibus valetudo mortalium commoda constanter objiciatur, fere innumeris occurrere me lici potissimum est. Munus quidem nobile! sed in primis difficile. In

A

nulla

2

nulla re tamen peritia ejus magis necessaria est, plusve societati generis humani et conjunctioni prodest, quam cum in soetu tenerrimo in situ primario retinendo adhibetur; donec muniis suis sungi valeat, et tandem, in solatium matris inenarrabile, conamine naturae idoneo, ex utero tempestive expellatur. Si vero, contra, partus gentrici miserandae immaturus elidatur, non tantum prole sua orbatur, sed etiam non raro essectibus jacturae, quam secerit, infeliciter rapi consuevit.

Rationes autem, quibus malis hujusmodi efficacissime possit occurri, in hac dissertatione exequi mihi in animo est.

HISTORIA ABORTUS.

Varia huic morbo, pro tempore graviditatis quo inciderit, nomina fuerunt indita. Si brevi post conceptionem factam, spatio eveniat, effuente

kus dici consuevit. Hic quidem attentionem medici raro depostulat, quoniam hisce signis minacibus, quae abortum, graviditate provectiore, incidencem comitantur, magna ex parte caret. Namque ovum adhuc perquam crudum est, nullas adhaesiones magnas formavit, aut systema suum eo usque, ut gravidae periculo esse possit, adauxit. Abortus vero potissimum ab auctoribus fuit vocatus, fi ovum, mensibus paucis tantum elapsis, expulsum fuit. Si, ante mensem quintum expletum, non invadat, expulsio appellari solet. Ab octava ad undecimam graviditatis septimanam usque saepissime incidere folet abortus, quod forsitan a quadam plenitudine matris nimia pendet. Profluvio uterino consueto suppresso, et foetu nondum totam fanguinis in vasis maternis accumulati quantitatem poscente, systema causa peccante semet liberare conatur. Circa mensem quartum medium, quintumve incipientem, uterus situm praeter consuetudinem angustum este seistire meipit, et igitur novo stimulo objicitur, unde conamina ejus intenduntur, et foetus, ante diem, expellitur.

Signa autem proclivitatis ad abortum in aliis praegnantibus alia funt. Aliae, doloribus acutis et diuturnis; aliae profusione sanguinis, quae incutit terrorem; aliae parco profluvio tantum substante, abortum faciunt. Doloros graves et profusio tanguinis liberalis plurimum, haud dubie, attentionis sibi vindicant. Quae signa autem sequuntur, ea plerumque accedunt, lasfitudo nempe, horrores, et rigores, vires corporis imminutae, pulsus arteriarum validi et celeres, appetentia cibi sublata, calor febrilis; dorfi, lumborum, uteri, et femorum dolores; tenefmus; actio uteri spasmodica, et sanguinis ex eo profluvium, quod saepe admodum formidabile evadit, vertiginem, capitis dolores, syncopen, extremorum frigus, multum circa praecordia anxietatis, icus tandem arteriarum debiles et abnormes, sudores frigidos, et mortem ipsam etiam faciens. Ventriculus quoque et mammae, ob consensum, qui eas inter et uterum intercedit, fingularem, afficiuntur. Ille vomitione vix compescenda vexatur; hae subsidunt, et laxae evadunt.

His fignis urgentibus, ostium uteri eo usque ut foetum, placentam et membranas integra expelli

pelli patiatur, semet dilatat; vel humores, membranis ruptis, effluunt, et ovum portiunculis a se invicem separatis evacuatur. Aliis vero temporibus aegrotam onere suo liberandi causa manus obstetricis adhibeantur, et essectibus prosluvii, progressum ejus compescendo, occurratur necesse est. His de historia propositis, ad causas remotas enarrandas progrediendum est.

CAUSÆ REMOTÆ.

Hae funt,

A. Quiquid circuitum idoneum uterum inter et foetum impedit, aut interpellat.

B. Quiquid actionem excitat, vel distensioni ejusdem obsistit.

His

His annumerantur,

a. Plenitudo systematis .- Hanc facit diaeta plena et nutriens, potissimum si huic adjunguntur liquores fermentati stimulantes. Si liberaliter adhibeantur, ad partes fanguinis rubras augendas magnopere conferunt, veram plenitudinem gignentes. Hujuscemodi sunt cerevisia valentior, cerevisia Londinensis lupulata, quae Anglice porter appellatur, vinum, &c. cum multo cibo animali conjuncta. Cum haec cibo leviore minus perspirabilia sint, et diutius in corpore maneant, valenti ei stimulo sunt, et multum nutrimenti, quamvis molem exiguam habent, suppeditant. Genus vitae iners et sedentarium, cui mulieres tantopere insueverint, ad hanc plenitudinem creandam quoque facit, omnes secretiones et excretiones imminuens. Quae menstrua, graviditate non substante, ex utero olim profundi consuerunt, ea plenitudine occucurrerunt. Mensibus vero nunc suppressis, fystema universum opprimi incipit; et uterus, moliminibus tempore ufitato incidere etiamnum pergentibus, impetui sanguinis, quo vasa ejus tandem distenduntur, non amplius obsistere valens, plenitudini adauctae cedit, et ovum

2 superficie uteri, cui adhaerebat, disjungitur, quod expulsio ejusdem brevi subsequitur.

a. Nisus corporei violenti. - In omni conamine violento et actuoso, fibrae musculares plerumque breviores evadunt, intumescunt, plusque duritiei, quam, in statu naturali relaxato, sibi acquirunt; ob quod necessarium esse videtur, ut, vasis exiguis per musculos agentes violenter compressis, impetus sanguinis ad alias partes saepe vertatur, et cursus ejus ad alias impediatur vel praecaveatur. Hoc modo igitur actio musculorum abdominis fanguinem in vafa utero propria magna vi impellere, et statum ejus organi justo pleniorem efficere periclitatur. Hoc facilius incidit, quod, in conatibus violentis, spiritus cohibetur. Idcirco sanguis, per venam cavam rediens, circa dextram cordis auriculam stagnat, et cum venae viscerum valvulis destituantur, retardatione et pondere suis congestionem, potissimum in visceribus infimis, ulterius intendit. Hanc ob rationem, si vis admodum magna sit, partem placentae ab utero mechanice sejungere, et ita abortum facere potest. Ob hanc causam solam, sine ulla alia, alvus dura,

dum

dum mulier utero conceptum habet, summae noxae esse potest.

- a. Violentia mechanica abdomini illata.—Haec stimulo violento, quo corpus universum, sed praesertim vasa partium sanguisera, afficit, agit, cursum humorum tantum uterum versus faciens, quantus secretionem idoneam matrem inter et soetum turbare valet.
- a. Concussiones.—Succussus corporis violenti frequenter in uterum mechanice agunt, placentam ab eo separantes, et nexum vascularem, qui partem placentae maternam inter soetuique propriam intercedit, lacerantes et perdentes. Si hoc quidem non incidat, cursus sanguinis tamen ad partem sit, qui pessimos effectus edere valet.
- a. Affectus Animi.—Pathematis animi, graviditate substante, effectus perquam mirabiles, et violenti plerumque suerunt tributi. Hanc rem vero non ulterius, quam ad nostrum argumentum stricte attinet, persequi decrevimus. Gaudium, moeror, ira, horror, metus saepe effectus

fectus violentissimos, ut neminem latet, in homines valetudine consueta fruentes ediderunt. Quantum vero ad praegnantes, quantitate sanguinis inusitata colluctantes, attinet, eas hi animi affectus, si concitatiores sint, admodum violenter afficere consuerunt. Gaudium cordis arteriarumque actionem intendit; et igitur, excitationem corpori universo violentam inferendo, motum vasorum uteri insolitum, quae plenitudine nimia jam laborant, saepe movet. Moeror vim nervosam, tonum solidorum, circuitum humorum, excretiones et secretiones, imminuit, morbos formidolosissimos movens, quales sunt cachexia, icterus, hydrops, lethargia, &c.; quae gradu etiam minore excitata uterum foetumque potissimum afficiant necesse est. Ira, contra, circuitum accelerat, impetum fanguinis mutans, unde magnae congestiones in locis diversis in-Quinetiam inflammationem, cidere folent. febrem, &c. aliquando facere notatur; et, in systema nervosum quoque violenter agendo, plerumque, si concitatior sit, foetum immaturum excludit. Horror in nervos potissimum agit, affectus convulsivos procreans, quales sunt hysteria, epilepsia, subita vasorum exilium constricad cor, &c. non pellere non potest, palpitationem cum respiratione anxia, et congestionem in vasis uterinis cum abortu faciens. Metus tremores progignit, actionem muscularem et vigorem cordis diminuit, et circuitum sanguinis minore spatio circumscribit, pallorem, anxietatem, impetum humorum mutatum, et etiam circuitus interpellationem creans. Unde facile percipi potest, soetum et systema uterinum, ante omnes alias partes, assici oportere.

Cum igitur affectus animi, foli, mutationes tam infignes in corpus edant; evidens et manifestum est, potestatem quorundam ex iis, si viribus mechanicis, ut ictibus, casibus, &c. excitentur, magnopere adauctum iri, et abortum ejusque sequelas non difficulter sacere constanter valere.

a. Venus Nimia.—Unusquisque stimulus infolitus systemati universo, dum mulier uterum gerit applicatus quam maxime nociva praestare consuevit. Si vero potestas stimulans vaginae aliisque systematis genitalis partibus admoveatur, essectus ejus duplo major erit; et impetus humorum adauctus in systemate geni-

nem vasorum uterinorum justam et regularem turbando, quam si excitatio corpori universo fuisset illata, faciens. Eodem tempore compertum habemus, coitum, frequenter reiteratum, multum debilitatis facere, in nervos violenter agere, et illum statum, quem physiologi collapsum appellaverunt, voluptate sua vehemente et enervante progenerare. Hinc languor, inertiae desiderium, debilitas, et irritabilitas praeter consuetudinem aucta, oriuntur; quae essectus malos numerosissimos et in uterum, et in omnia eo comprehensa, non edere non possunt.

a. Frigus— superficiei corporis externae, sed praeseriim pedibus artubusque inferioribus, admotum.

Frigus, corpori humano certa vi applicatum, magnitudinem vasorum superficiei exilium diminuit; et igitur ad quantitatem sanguinis insolitam in partibus interioribus accumulandam confert. Cum haec constrictio artus inferiores, quibus frigus potissimum applicari ponimus, vehementius occupet, vasa, profunde sita, quantitatem sanguinis solita majorem continebunt.

Hoc quoque ortum cursui humorum uterum versus insolito praebebit, cujus vasa certam distentionem recipient. Cum vero non amplius potestati distendenti cedere possint, nisus uteri ciebitur, vel ruptura vasorum placentae, quae matrem soetumque conjungunt siet, et abortus ad extremum incidet.

a. Febres, Variola, &c .- In omnibus morbis violentis, impetus humorum et actio cordis arteriarumque multum intenduntur. Igitur omnes hoc genus morbi, quantum ad praegnantes spectat, plurimum periculi habent, quod fanguis partes internas versus magna vi et celeritate fertur. Quod cum incidit, abortum gravidae non raro faciunt. Quinetiam notabile est, mulieribus, cum ad extrema jam ventum est, quod moribundae sunt, partum plerumque elidi. Mors autem, rebus ita sese habentibus, non incidere folet, quod abortum faciunt, ut quibusdam placuit, sed a gravitate morbi, quo laborant, sola proficiscitur. Igitur si foetus mulieri immature excludatur, dum febris, quae eruptionem variolae, &c. comitatur, graviter urget, vita ejus in summo periculo versatur, et vix ulla salutis spes affulget.

a. Magna fatigatio.-Exercitatio modica non tantum corpus a morbis defendit, fed multum quoque valetudinis commodae viriumque ei comparat. Secretiones et excretiones, ea rite adhibita, constanter perficiuntur, animus erigitur, et omnia vitia, quae ab ignavia et inertia proficiscuntur, efficaciter arcentur. Si vero haec exercitatio justo acrior sit, effectus longe diversi eduntur. Namque corpus debile, irritabile, et relaxatum efficitur, et motum muscularem non amplius exercere potest. Hoc modo gigni potest conditio corporea, quae mulieribus praegnantibus est inimica. Caeterum noxae ab ea nimia proficiscentes magis subitaneae esse possunt; corpus enim labore nimio, ut ambulatione vel equitatione celeri, diuque continuata, defatigatur; et sanguis non aeque, ac ante, ad superficiem corporis propulsus, in partibus internis, et potissimum in utero, congeritur, et hanc ob causam abortus exercitationem corporis diu continuatam faepe excipere notatur.

a. Debilitas systematis.- Jam supra memoriae prodidimus, statum corporis pleniorem malis maxime formidabilibus, dum graviditas fubest, ortum saepe praebere. Huic, non sine causa gravissima, statum systematis contrarium, nempe debilitatum, adjicere licet; sive ab evacuationibus nimiis, praesertim sanguineis, vel naturalibus vel arte factis *, sive a diaeta parum nutriminis suppeditante, unde partes sanguinis aquae redundabunt, et quantitas partium crafforum deficiet, proficiscatur. Hoc haud dubie faciet, ut foetus portione humorum nutrientium debita et necessaria privetur, vasa uteri justam distentionem non recipiant, circuitus languescat, solida relaxentur, et systema magnae malorum cohorti, quae, fua gravitate, in uterum vel foetum celerrime saepe agere, et abortum facere potest, opportunum evadat. Eundem estectum edet cursus sanguinis ad alias corporis partes, ut ad superficiem usu diaphoreticorum parum idoneo, vel ad mammas, factus. Hujus exemplum perquam luculentum in praelectionibus fuis

^{*} Mulieri uterum gerenti vena secta abortionem facit, idque potissimum, si soetus grandior suerit. Hip. aph. 31. sect. 5.

Monro. 'A pregnant woman,' inquit vir ingeniosissimus, 'applied one of her children to her breast to please it, but with the effect of producing miscarriage.' Mulier quaedam, ut ab amico accepi, quanquam officio nutricis fungebatur, concepit, et omnia, ad mensem septimum usque, ei rite processerunt. Sed puerum priorem lactare pergebat, licet periculi, cui semet objiceret, moneretur. Finis vero perseverantiae tandem suit abortus periculosus. Hic autem nulli alii causae, quam nimiae humorum quantitati ab utero mammas versus delatae, et igitur soetum nutrimine necessario privanti, tribui potest.

a. Systematis Generalis Morbi.—Quanquam modum, quo morbus totius systematis abortum faciat, et quisnam morborum numerus hoc praestare valeat, ignoramus; vitium tamen labemve veneream abortum facere posse, asserere non temerarium esse putamus. Quam probabile, immo quam verum hoc sit, exempla sequentia maniseste evincent, quae mihi enarranda puta-

vit vir celebris, qui obstetricium diu feliciterque exercuit.

Exemplum primum sic sesse habet. Mulier quaedam, loco honestissimo nata, bis concepit; sed foetum in neutro exemplo reservavit; conceptus in utero, donec tempus graviditatis solitum propemodum absolutum est, retenti sunt, et deinde admodum putridi exclusi. Mensem septimum inter et octavum sato concessisse probabile. In altero exemplo, tres pueri extincti plurimumque soetoris habentes, circa idem tempus, in lucem serie continuata suscepti sunt.

Postquam in utrumque ex hisce exemplis diligenter suit inquisitum, causa non ex toto deesse videbatur, cur labem veneream in systemate paterno aliquandiu latuisse suspicaretur. In priore, pater uti videbatur, valetudine commoda in biennium ante nuptias suerat usus. Ultimus, quo laboraverat, assectus venereus suit ulcusculum. Hujus sanandi tantum mercurii, quantum ad morbum extinguendum sussicere videbatur, sumpserat. Hoc vero sacto, causa adhuc non deerat, cur labem in corpore superesse suspicaretur; marito igitur et uxori, per spatium temporis debitum, mercurio uti persussicum. fuasum est. Post quod, soemina generosa conceptum secit, et, mensibus graviditatis expletis, puerum sanum, et complures alios postea, enixa est.

Generosa altera, quae tres liberos mortuos pepererat, una cum marito eodem modo curata est. Ob eventum vero domesticum improvifum, mercurio intempestive desistere coacta est. Rursus gravida evasit, et partum ad nonum mensem finitum reservavit. Puer vivus natus est, et nutrici, ut lactaretur, demandatus. Tempore non longo elapfo, notae fyphilidis evidentes in puero semet ostendere coeperunt. Prius partes genitales, deinde facies, nasumque assiciebantur. Quinetiam nutrix non diu contagionis expers manebat; brevi etenim mammae et papillae exulcerari incipiebant. Et nutrix et puer usu mercurii ad sanitatem suerunt reducti. Parentes ad idem medicamentum, quo prius nimis mature abstiterant, confugerunt, et in usu ejus, per spatium temporis diuturnius, perstiterunt. Duo pueri postea in lucem suscepti funt, omnino fani, in quibus nullae morbi venerei notae unquam in conspectum sese dederunt.

In tertio exemplo, mulier loco honesto nata, tres pueros, totidem vicibus, perperit. Primus et alter ante mensem septimum mortui sunt, et admodum putridi exclusi, primus diebus quatuordecim, fecundus quatuor aut quinque feptimanis post mortem, tertius, supra duos menses post eundem eventum, retentus est. Mater alioquin, quantum potuerit conjici, si eruptionem faciei papulosam excipias, sanitate fruebatur. Per graviditatem extremam, fanguis ei iterum iterumque fuerat missus, et lavatio marina, donec motus pueri cessavit, adhibita. Maritus, non multis ante nuptias mensibus, quaedam morbi venerei, qui leviter fuerat curatus, figna habuerat. Et hic et illa mercurium, per fpatium temporis fatis longum, fumpferunt. Foemina generosa conceptum postea fecit, et puerum valentem et fanum, mensibus novem peractis, enixa est.

Ex hisce exemplis haud dubie concludere licet, morbum, qui corporibus parentum insederit, abortum nonnunquam facere valere. II. (B.) Quiquid actionem uteri excitat, vel diftensioni ejusdem obsistit.

b. Irritabilitas systematis uterini insolita.- Jam fupra comprehendimus, debilitatem esse causam abortus frequentem; et compertum habemus, conditionem debilem irritabilitate non modica plerumque stipari, quae causis etiam levibus corpori applicatis, effectus in systema nervosum violentos saepe edit, et actionem fibrarum muscularium validam spasmodicam movet. Uterus igitur eodem modo, quo systema reliquum, affectus, semet ad gradum certum usque distendi patitur; sed auctum tandem distensionis ulteriorem tolerare non valens spasmodice afficitur. Os uteri, ad extremum, dilatatur, et ea, quae utero comprehenduntur, expelluntur. Hic effectus autem multo certius faciliusque edetur, si substabit quantitas aquarum insolita.

b. Cathartica Valentiora, Enemata Stimulantia, et Diuretica.—Nihil mulieri praegnanti magis nocet, quam usus catharticorum valentium, vel enematum stimulantium. Namque, praeter languorem et debilitatem quae actionem priorum excipiunt, magnum humorum curfum ad canalem alimentarium et uterum faciunt; unde, vel ob tenesmum quem creant, actio uteri per confensum, et saepe cum sequelis perniciosissimis, movetur. Hic partium contiguarum confensus, inter pariendum, saepe semet evidenter ostendit, et inde desiderium faeces et urinam excernendi, quod fingulis uteri contractionibus augetur, proficiscitur. Ex hoc plane disci potest, cum actio partium vicinarum utero propriam quoque excitare valeat, purgantibus drafticis, qualia funt ex aloe confecta, quae tarde folvuntur, et in rectum intestinum potissimum agunt, enematis valentioribus, et hifce diureticis, quae vias uriniferas violenter stimulant, abstineri oportere.

b. Tumores Haemorrhoidales.—Hi notari merentur, quanquam abortum raro fortasse faciunt. Pleraeque mulierum, quae pepererunt, haemorrhoidi haemorrhoidi plus minusve objiciuntur. Uterus mole sua, graviditate substante, vel faeces induratae, in recto accumulatae, vel utraque conjuncta, cum graviditas longius processir, reditum sanguinis difficiliorem reddendo, ut hi tumores inslammentur, et magnopere doleant, facere possunt. Hanc ob causam, in habitu corporis irritabili, actio uteri excitari periclitatur.

b. Motus Foetus praeter consuetudinem violentus.—Notissimum est, mulieres, sub mensem graviditatis quintum, de motu foetus non raro queri, qui, eo tempore, locum mutare potest, et nishbus, quos edit, quique nonnunquam, si attentio adhibeatur, per vestimenta muliebria conspici possunt, ingentem utero stimulum infert. Hoc potissimum, si funis umbilicalis justo brevior sit, incidere consuevit. Namque foetus funem trahendo et cursum sanguinis per eum et diametrum ejus imminuit; vel placenta aliqua ex parte ab utero disjungi, et actio ejus organi motu foetus solo, sine ope stimuli editi, excitari potest. Hic unicus, dum uterus prae-

ter naturam irritabilis est, ad abortum inferendum frequenter sufficit.

b. Rigiditas uteri.—In quibusdam exemplis, uterus tantam rigiditatem sibi acquirit, ut potessati distendenti ei applicatae non facile cedat. Hinc humores quantitate adaucti, et magno impetu eundem versus delati, congestionem in eo faciunt, et stimulo ei potentissimo sunt, actionem sibrarum ejus muscularium spasmodicam excitantes; vel placenta ab utero ex parte separari potest.

b. Deformitas partium pelvis durarum.—Hujus mentionem hic facere non alienum esse putamus, quanquam essectibus ejus malis occurrere
non opis medici esse plane consitemur. Potissimum circa partem pelvis superiorem incidit,
cum spina in cavum pelvis modo perquam infolito antrorsum protruditur. Rebus ita se habentibus, cum uterus ex eo cavo osseo, sub
mensem quartum, vel prope quintum, emergit,
stimulus adeo manisestus et evidens hinc oritur,
quod adscensui ejus obsistitur, quodque, contra,
sanguis in eum copiose insluere pergit, ut abor-

tus plerumque fiat. Alia abortus causa est, quae in modum pelvis desormis agit, vestimenta nempe corpori nimis arcte circumdata, uterum ascendere impediunt, immo eum aliquando deorsum evidentissime pellunt, abortum celerime facientia. Huic causae excitanti, quae a vi consuetudinis in praesentia dominantis mera saepe proficiscatur, occurrere opis est nostrae. Summam attentionem haud dubie sibi vindicat.

b. Preclivitas ad Abortum inveterata.—Poteftas confuetudinis quasi summum in oeconomiam animalem imperium tenet, et actio ejus difficulter cohibetur, aut limitibus ullis certis circumscribitur. Essectus hujus in corpus per morbidam actionem, quae praecesserit, editi, causa, unde orti fuerint, sublata, saepe manent; ut in febribus intermittentibus, dysenteria, tussi convulsiva, &c. quae vi consuetudinis sola pergere possunt, et etiam ex intervallis consuetis repetere periclitantur, incidere comperimus. Usus, ut desiderium saeces et urinam excernendi statis temporibus redeat, sacere potest. Nisi ei pareatur, decedit, si distensio non admodum magna

magna fuerit facta, et non ante proximum tempus confuetum redit. Ita homines, quos defidendi cupido teneat, alvum folita hora evacuare qualibet re impediti, brevi nihil omnino defiderii fentiunt, donec tempus, cui femet affuefecerint, semel bisve redierit. Voluntas urinam noctu, certo tempore, excernendi constanter, si modo ei indulgeatur, renovatur; et, licet nihil urinae vesica contineatur, homo, tempore folito, e somno excitatur. Potestas consuetudinis, ut mulieres urinam, longum per spatium, retinere possunt, facit, fibris vesicae muscularibus stimuli minus impatientibus usu evadentibus. Saepe quidem, contra, notamus, ventriculum et inteftina, usu emeticorum et purgantium nimis frequente debilitata, eodem stimulo minore etiam gradu applicato facilius affici folere. Uterus igitur abortibus prioribus infirmus redditus, tantum irritabilitatis fibi comparat, adeo ut, in posterum, stimulis omnigenis facilius pareat. Cum autem nonnulla ex hifce stimulantibus, ut molimina mensium, uno tempore, quam alio, potentius agant, et saepe per se abortum facere posfunt; alias tamen idem nequeunt praestare, nisi quaedam res externae et fortuitae illis accefferint.

cefferint. Si vero hae adjicientur, abortus fieri potest, et consuetudo infelix stabiliri periclita-Ex hoc evidenter oritur, quod aliae praegnantes, aliis temporibus, abortum constanter faciunt.

Plerisque e causis remotis hoc modo breviter percursis, proxime consideranda est

objects and all of the statistics of the state of the sta

CAUSA PROXIMA.

descente anasil sentess

sewen er liftma arreciarum celeribus et duris,

Haec revera eadem est, ac ea quae exclusionem foetus maturam facit; contractio nempe uteri, qua ostium ejus dilatatur, et eo comprehensa expelluntur.

D PROG.

cellerini. Si vero hae adjickenturg abestus fieri

potell, et confuetudo infelix flabillai pericina.

Ex hoc evidenter printer qued aliae

PROGNOSIS.

percuries, proxime confideranda eft

flanter facilint,

Quanquam, graviditate substante, profusio fanguinis e partibus genitalibus nunquam spernenda est, quod expulsionem ovi praematuram magis minusve certo praesagit; si profluvium tamen pulsibus arteriarum celeribus et duris, doloribus dorsi, lumborum et uteri, horroribus, inquietudine sensuque ponderis deorsum tendente non stipetur; si non admodum copiofum fit, parum nihilve periculi inde oriri potest. Quibusdam enim mulieribus, in duas tresve post conceptionem vices, nonnihil fanguinis eo, quo menstrua provenerint, tempore effundi folet, quod a vagina profluere videtur. Licet vero fanguis ex utero profundatur, fignis supra comprehensis absentibus, abortus non semper fit; namque placenta ab utero ex parte sejuncta eidem brevi rursus adhaerere, et ovum reservari potest. Mensibus primis, vel ante sextum etiam, abortus profusionem sanguinis funestam raro, ut experentia testatur, facit, vel multum gravidae periculi infert. Hoc vero plerumque fanguini effuso pro rata ratione respondet. 'Si mulier,' inquit Hippocrates *, ' gravida sanguinem profundit, cui extrema frie gescunt, arteriarum percussus debiles, citi, non e aequis intervallis moventur, oculi caligant, 'aures sonant, circa praecordia anxietas est, anima saepius deficit, sudor frigidus nervorumve distensiones sunt, malum est, et mors 'in propinquo videtur.' Mulieres tamen ex haemorrhagia profufa, signis pessimis substantibus, nonnunquam convalescunt. Proximum vero est, ut rationem, qua morbus possit depelli, confideremus.

RATIO MEDENDI.

Consilia autem medendi varietatem recipere posse, maniseste testantur causae remotae mo-

^{*} Aphor. 5. 56.

do explicatae. Praecipua sequentia esse vi-

- II. Plenitudinem systematis, et cursum sanguinis uterum versus factum diminuere.
- II. Conditioni systematis, potissimum uteri, debile et irritabile occurrere.
- III. Vitia systematis totius, si fieri potest, tollere, et potestati consuetudine obsistere.

Quae remedia primo confilio potissimum accommodantut, ea sequuntur.

Sanguinis detractio.—Si corpus justo plenius sit, et ulla signorum, quae proclivitatem ad abortum indicent, malum aegrotanti repentinum minari videantur, ad missionem sanguinis jure optimo consugi potest. Namque, vim derivationis Hallerianam protinus excitando, cursus sanguinis ad superficiem a partibus internis revocatur, et momentum humorum in vasis uterinis diminuitur. Igitur, ut ad hocce remedium decurreretur, suaserunt celeberrimi medici. Ab ipsis

ipfis quidem, et ab aliis, monitu eorum, fummo cum commodo, fuit adhibitum. Quanquam placenta ab utero aliqua ex parte fuit disjuncta, et nonnihil fanguinis effusum, usus scalpelli prudens non raro profluvium compescuit, et abortui occucurrit. Ad fanguinis detractionem tamen non decurratur, plenitudinem praecavendi, sed effectibus ejusdem substantis nocivis obsistendi. Quinetiam eadem abstineatur, cum haemorrhagia gravis uterina incidit, quae debilitatem, vertiginem, nauseam, vomitionem, ictus arteriarum debiles et abormes, anxietatem, &c. fecit. Etenim, plus debilitatis creando effectus funestos forsitan ederit, et haud dubie, cur aegra tarde convalesceret, in causa foret.

Positura corporis supina.—Cum primum morbus invadit, aut cum proclivitatem ad abortum adesse suspicamur, aegrota, sine mora, in positura horizontali collocetur, quae impetum sanguinis ad vasa uterina diminuit, et reditum ejus ad cor facilem essicit. Immo, si cursus sanguinis ad uterum insigniter vehemens sit, commodum a positura oriens, caput humerosque deprimendo, et clunes levando, ulterius etiamnum augeri potest.

Requies corporis et animi.—Exercitatio musculorum corporis diligenter sugienda est; quoniam sanguinem venosum cor versus propellit, circuitum celerem essicit, magnae in systemate uterino congestioni savet, actionem vasorum partis et vigorem magnopere intendens. Sermonem etiam in nimiam longitudinem producere nocebit, quod respirationem accelerat, et eodem tempore aegrotum satigat. Assectus autem animi vehementiores, cum essectus tam potentes edant, curiose vitandi sunt; dum status ejusdem placidus et serenus omni ratione quaerendus est.

Frigus corpori applicatum.—Frigus in omnibus haemorrhagiae, vel proclivitatis ad abortum, exemplis prudenter adhibitum magnopere proficit. Ægrota igitur aëri frigido libere objiciatur; fenestrae cubiculi apertae serventur; corpus laboranti leviter tegatur; immo, lintea ex aqua, cui nitrum fuit adjectum, intincta abdomini et lumbis frequenter admoveantur, et saepe faepe tollantur, recentibus in locum eorum suffectis. Haec non raro evidenter profuerunt. Frigida etiam in anum immissa aliquando utilis est. Liquores refrigerantes, praesertim acidos redditos, aegra bibat. Nitrum cum essectu prospero adhiberi potest. Diaeta levis et parca sit. Cardiaca stimulantia, praesertim vinum rubrum Lusitanum, quod summis laudibus apud aniculas essertur, quoniam vis ejus adstringens stimulum, quo cor et systema sanguiserum afficit, minime pensat, non adhibenda.

Si vero reperiatur, aegrotam nulla plenitudinis figna habere, ab initio non debilem fuiffe, nulli injuriae mechanicae aut affectui animi violento fuiffe objectam, fed habitu corporeo tenuiorem, fibrilque mulcularibus rigidam effe, in rationem medendi longe diversam procedi debet; quoniam, rebus ita se habentibus, rigiditas uteri pro causa signorum forsitan habenda est. Sanguis igitur ad cutem, usu diaphoreticorum lenium, qualia sunt pulvis Doversanus, ex intervallis idoneis adhibitorum, est revocandus. Pulveri modo posito aliquantum nitri pro sale in eo praeparato plerumque adhibito, adjici potest. Spiritus Mindereri eidem consilio ininserviet.

inserviet. Tartarum emeticum, adeo ut naufeam levem tantum moveat, cum commodo dare valebis.

Opiata.—Memoriae non pauci tradiderunt, fcalpelli usum et opium nunquam eodem tempore convenire. In casibus tamen, ubi proclivitas ad abortum plane indicatur, ex opio praeparata, sanguine detracto, proficere valere opinamur; quoniam vim cordis arteriarumque imminuunt, dolorem et actionem uteri spasmodicam tollunt, somnum inducunt, et hosce animi affectus, qui morbum saepe faciunt vel augent, consopiunt.

Si dolores nihilominus et alia mala, una cum haemorrhagia immodica, etiamnum perstent, aegrota languescat, pulsus arteriarum debiles celeresque fiant, et alia signa periculosa accedant, expulsionem eorum, quae utero continentur, omni ratione promovere conandum est. Membranae, si sieri potest, digito rumpendae. Hoc sacto, aquae evacuabuntur, et profluvium forsitan compescetur. Quinetiam uterus semet contrahens soetumque contingens eundem celerius expellere valebit. Sin haec ratio non votis respondeat, profluvium immodicum pergat,

et graviditas bene provecta sit, manus in uterum insinuetur, soetus vertatur, et pedibus educatur necesse est, ut in dissicultatibus similibus, mensibus graviditatis expletis, nonnunquam facere cogimur. In graviditate vero minus provecta membranas disrumpere, et humores evacuare, non aeque bene procedunt; namque membranae et placenta, post soetum expulsum, diu saepe retentae, profusionem sanguinis producunt, vel nonnihil putredinis excitant.

II. Conditioni systematis, potissimum uteri, debili et irritabili occurrere.

Si systema universum sit debile, vix aliquid sieri potest, cum id reficere vel corroborare spatium temporis non exiguum requireret. Hoc igitur, si stricte loquaris, ad prophylaxin spectat. Debilitatem systematis uterini subesse, si causa sit cur suspiceris, omnibus remediis supra comprehensis, quae, sanguinis detractione excepta, hic conveniunt, addi possunt adstringen-

tia et tonica. Quod ex his confilio nostro maxime accommodatur, id est,

Alumen.—Hoc potestatem adstringentem perquam validam possidet, et quantitate non modica, potissimum sub forma seri aluminosi, dari potest. Hoc modo datum frigorique adjunctum non raro essectus felicissimos edidit. Aliae potiones adstringentes, quales sunt tinctura rosarum, cujus potestates non a vi foliorum adstringente pendent, laudibus suerunt ornatae. His vero longe praestat acidum vitriolicum, quod per se gratius est, et in exemplis hujusmodi rite dilutum, cum fructu evidente adhibetur.

Cortex Peruvianus.—Ut ad hunc decurreretur nonnulli suaserunt; sed consilio parum accommodari videtur, quod actio ejus tarda est, multumque temporis postulat, quodque medicamentum nauseosum est, vomitionemque, stomacho perquam irritabili, movere periclitatur.

Opiata—Haec iterum memorari possunt. In omni enim debilitatis statu multum irritabilitatis quoque plerumque subest. Ad hanc autem sedandam

fedandam in primis accommodantur, et id spatii quod ad actionem aliorum medicamentorum absolvendam necessarium est, comparant.

III. Vitia systematis totius, si fieri potest, tollere, et potestati consuetudinis obsistere.

Morbos systematis, qui abortum faciunt, accurate depingere, et viam medendi inde deducere, plus experientiae plusque notitiae argumenti, quam adhuc attingere potuimus, depostularet. Si vero morbum singularem praegnantem ad abortum proclivem efficere suspicemur, quae in morbum aliis in exemplis possunt, eadem hic quoque convenient, ut in casibus luis venereae supra positis clare vidimus.

De rationibus, quibus potestati consuetudinis possit occurri, sub prophylaxi aptius forsitan diceretur. Causae excitantes summa cura et attentione vitentur, vel iisdem, prout ad primum alterumve consilium attinent, strenue occurratur. Quomodo hoc debeat praestari, et a me-

dici judicio, et ab historia aegrotantis, omnino pendeat oportet.

PROPHYLAXIS.

Curatio mulieris, quae uterum gerit, fummam attentionem faepe requirit. Si conftitutionem corpoream plenam habeat, in qua diathefis phlogistica dominatur, ratio nonnaturalium, uti vocantur, diligentissime habeatur. Cibo levi victitet, et eo modice utatur. Usum quorumlibet e liquoribus stimulantibus vel nutrientibus immodicum fugiat, fructus refrigerantes, horaeos, et subacidos adhibeat, cubili potius duro, et in cubiculo spatioso ad quod aer externus libere adspirat, indormiat. Horae quietis tempestivae sint, et nunquam neglectui habeantur. Exercitatio semper lenis, et citra desatigationem sit. Ægra aëri frigido, cum commodo summo, objici

objici potest. Circuitus sanguinis nunquam acceleretur. Quo hoc praecaveatur, exercitatio ejus ex intervallis debitis potius reiteretur, quam acrior et diuturnior sit. Quo tempore menstrua provenire consuerunt, eo positura horizontali utatur, et exercitatione abstineat. Alvus per laxantia leniora soluta teneatur, animus eura vacet, et ea, quae quemlibet ex assectibus movent, e conspectu removeantur. Vestimenta ei laxe circumdentur, et omnes causae excitantes, quae proclivitati ad abortum inveteratae favent, summa attentione diligentiaque vitentur.

Si, contra, aegrotans sit debilis et insirma, ei praecipiantur sequentia, cibus et potio nutrientia, cortex Peruvianus cum elixire vitrioli acido chalybeatisve conjunctus; balneum frigidum vulgare, vel imbriserum, quod illi saepe praestat, cum aegra succussionem ferre valet, et ei assuevit. Sub dio multum versetur.

Si, remediis et regimine talibus adhibitis, aegrota, quanquam olim abortum facere confueverit, five consuetudo illa a vitio systematis uterini, sive a causis externis suerit profecta, partum, ad tempus graviditatis solitum expletum usque, feliciter reservaverit, officio nutricis haud

haud dubie fungi debet. Hoc modo alteram graviditatem in aliquantum temporis saltem defugiet, et ea interim, quae ad systema universum corroborandum, et ad vim abortus consueti infringendam, plurimum conferunt, adhibere valebit. Nunquam non summi momenti esse reperietur, uterum ab ea distensione, quae menstrua proventura comitatur, quamdiu sieri potest, liberum servare. Hinc partes genitales tonum sibi adipiscentur, qui abortui, in suturum, multo essicacius, quam omnia medicamenta roborantia, quae ingenium humanum hucusque excogitarit, casusve felix monstrarit, adversabitur.

FIN I S. tive in the

secreta, caancaam elim abortum facera con-

sterial live a caulis externis fuerit profecta,

fade, feliciter refervaverita officio matricis

Si, remedile ett regunine talibus adhipiris

entia, cortex Peruvianus cum clinire vitrioli a-

cido chelvocatifye conjunctus; balneum frigi-